

BE.168. DISESA JESUS DOSA (F=1)

=====

B.E. NO 168 DISESA JESUS DOSA

1. Disesa Jesus dosa ni Sude na olo mangarsakkon
Na so umboto dalan be Asa dapotan haluaon
Ponjot rohana situtu Dirina ditoru i burju
Naung binuratan ni si Musa Nasida be do dihilala
Di angka i do hata i Disesa Jesus dosa i Disesa Jesus dosa i
2. Rohana na tongtong asi Do na mangonjar sian surgo
Ibana lao tu tano i Tumopot jolma i, naung mago
Hinorhon dosana i Ibana do mamorsan i
DiriNa i do dipasahat Manaoni uhum ni parjahat
Dibaen naung ginararna i Disesa Jesus dosa i. Disesa Jesus dosa i.
3. Nuaeng tarbaen maporus be Tu Jesus i sude pardosa
Disalesehon do sude utangna na so tartahansa
Didabu do dosana i Tu laut na so tardodo i
I ma mudarNa i naung durus Baen haluaon na umbulus
Di nasa hajolmaon i Disesa Jesus dosa i. Disesa Jesus dosa i
4. Binorhos tu mudarNa i Ditogu siseanNa
Tu jolo ni AmaNa i, I do dibaen hapintoranNa .
Dung i asi ma roha ni Amana di nasida i
Dijangkon do tu ingananNa Dilehon do hasonanganNa
Dibaen naung hot hataNa i Disesa Jesus dosa i. Disesa Jesus dosa i
5. Antong, hamuna sasude Na mangarsakkon dosamuna
Sai boan tihasmuna be Tu Jesus pangondinganmuna
Beasa di na dao hamu So pola mago be hamu ?
Tongtong naeng dosa baenonmuna Nang pe tarbaen hamu malua ?
Palias i sai ro ma ne Disesa Jesus dosa i. Disesa Jesus dosa i.
6. O Jesus, taiti hami on Tu Ho na tong marasiroha
Ajari hami sai tongtong Mangkagigihon nasa dosa
Pangkilalahon jea ni Na mangualahon dosa i
Tu hami asa jora hami Huhut papos ma rohanami
Mandok mamuji asiMi Disesa Jesus dosa i. Disesa Jesus dosa i.